



Alkoholpolitisk handlingsplan for Masfjorden kommune

Perioden 2020 – 2024

(Framlegg til kommunestyret den 30.04.2020)

1. MÅLSETJING

Planen har som målsetjing å avgrensa dei skadar som alkoholforbruk kan innebere for samfunnet og enkeltindivid i Masfjorden kommune, og redusera alkoholbruken i tråd med nasjonal målsetjing.

2. FØREBYGGJING

- 2.1 Foreldre/føresette og andre vaksne i leiarroller knytt opp mot born og ungdom, må med haldning til bruk av alkohol, gå føre med godt føredøme.
- 2.2 Opplysnings- og haldningsskapande tiltak om alkoholforbruk skal stå sentralt i Masfjorden sin alkoholpolitikk. Det skal arbeidast aktivt med førebyggjande tiltak i samarbeid med/mellom foreldre/føresette, skule, lag/organisasjonar og politi.
- 2.3 Det skal leggjast til rette for å gjera born og unge sine opphaldsstader og nærområder alkoholfrie.
- 2.4 Opphaldstader og nærområder for born og unge er definert som samlingsstader som vert brukt til leik, aktivitetar i skule og/eller fritid.
- 2.5 Masfjorden kommune er "Samarbeidskommune med MOT", ei ideell og landsomfattande stifting. MOT skapar varmare og tryggare oppvekstmiljø gjennom å styrke menneska sitt MOT til å ta vare på seg sjølve og kvarandre.
- 2.6 Masfjorden kommune gjev støtte til sertifikat for ungdom som går på haldningsskapande kurs.

3. TILTAK OG KONTROLL

- 3.1 Alkoholpolitisk handlingsplan skal reviderast minimum ein gong i kommunestyrebolken.
- 3.2 Avgifter som vert betalt til kommunen for alkoholomsetning, skal øyremerkast til haldningsskapande arbeid.
- 3.3 Avgift for sal- og skjenkeløyve er regulert i forskriftene til den nye alkohollova gjeldande frå 01.01.98. Løyvegebyret vert rekna for kvar vareliter med minstesatsar for sal og skjenking.
- 3.4 Gebyr vert sett til kr. 380,- for mindre einskildarrangement og lokale tilstellingar. Gebyr vert sett til kr. 1.000,- for større einskildarrangement som omfattar heile kommunen, festivalar, kulturdagar, kraftspel etc.
- 3.5 Kontrollutvalet for sal- og skjenkestader vert lagt til formannskapet.
- 3.6 Salsløyve for alkohol i alkoholgruppe 1, kan berre gjevast til daglegvarebutikkar.
- 3.7 Den som har fått skjenkeløyve skal sjå til at arealet rundt skjenkestaden er ordentleg etter kvart arrangement. Dette vil gje eit betre omdøme.
- 3.8 Det vert stilt krav om kunnskapsprøve i alkohollova for skjenkestyrar/løyvehavar for store einskildarrangement som f. eks. Kraftspela og festivalar.
- 3.9 Kontrollrapportane frå skjenkekontrollen skal sendast direkte til løyvehavar med kopi til kommunen. Det skal opplysast om høve til å uttala seg innan to veker, jf. forskriftene § 9-6.
- 3.10 Kontaktutvalet for sals- og skjenkekontrollen er styringsorgan for kontrollordninga. Møte i kontaktutvalet bør haldast minst 2 gonger årleg. Rådmannen evaluerer ordninga fortløpande med rådmannsutvalet for Nordhordland og Gulen.
- 3.11 Kommunen kan stilla som vilkår at ein skjenkestad skal ha 18 års aldersgrense der dette kan avgrensa tilgjenge til alkohol og gje betre kontroll med gjennomføringa av skjenkeløyve, jf alkohollova § 4-3.

4. SKJENKELØYVE

- 4.1 Skjenkeløyve for alkoholhaldig drikk gruppe 1 og 2 vert berre gjeve til kafear/serveringsstader som gjev allsidig mattilbod. Skjenkeløyve for alkoholgruppe 3 vert berre gjeve til overnattingsverksemder.
- 4.2 Når det gjeld lukka einskildarrangement kan alle skjenkestader få løyve til skjenking av alkoholgruppe 3. Dette må gjelde ein førehandsbestemt krets av personar, medrekna julebord og høgtidsarrangement i påsken.
- 4.3 Rådmannen får fullmakt til å gje skjenkeløyve for øl, vin og brennevin:
 - i einskildhøve til slutta lag (ambulerande skjenkeløyve), jfr. alkohollova § 4-5
 - i einskildhøve i samband med arrangement, jfr. alkohollova § 1-6, 3. ledd.Slike løyver vert gjort med heimel i delegeringsreglementet pkt I.
- 4.4 Skjenkeløyver etter fullmakt frå rådmannen må skje innanfor tidsrommet frå kl 13.00 til kl 03.00 dagen etter.
- 4.5 Frist for å søka om skjenkeløyve for einskildarrangement, vert sett til 4 veker før arrangementet.
- 4.6 Dersom kommunen står som arrangør eller medarrangør for eit tiltak det vert søkt om skjenkeløyve for kan ikkje arrangør søke om skjenkeløyve eller stå som skjenkeansvarleg. Da må den oversendast til ein settekommune, i dette tilfellet Alver kommune.

5. SALS- OG SKJENKETIDER

5.1 For sal i alkoholgruppe 1:	Kvardagar	kl 09.00 – 20.00
	Dagar før helgedagar	kl 09.00 – 18.00
For skjenking gruppe 1 og 2:		kl 13.00 – 01.00
Lukka arrangement gruppe 1, 2 og 3		kl 17.00 – 02.00

6. TILHØVE TIL ANDRE PLANAR

- 6.1 Skjenkeløyve må vurderast opp mot strategisk næringsplan sin handlingsplan, der tiltak er å utvikla reiselivsprodukt.
- 6.2 Skjenkeløyve må også vurderast opp mot kommunedelplan for helse- omsorg og sosial si målsetting om at folkehelsearbeid handlar om å skapa gode oppvekstvilkår for born og unge, førebyggje sjukdom og skadar, og å utvikla eit samfunn som fremjar fellesskap, tryggleik, inkludering og deltaking for alle innbyggjarane i kommunen.

7. INNDRAGING AV LØYVE

- 7.1 Alkoholforskrifta i §§ 10-1 til 10-6 inneheld eit system for prikktildeling ved brot på løyvehavar sine alkoholrettslege plikter. Reglane inneber at ulike brot blir tildelt eit visst tal prikkar og der 12 tildelte prikkar i løpet av to år fører til ein standardreaksjon på inndraging i ei veke.
- 7.2 Dersom løyvehavar i løpet av ein periode på to år er tildelt til saman 12 prikkar, skal kommunestyret inndra løyvet for eit tidsrom på ei veke. Dersom det i løpet av to-årsperioden blir tildelt fleire enn 12 prikkar skal kommunestyret auke lengda på inndraginga tilsvarende.
- 7.3 Ordninga med prikkbelastning er obligatorisk, og kommunen er pliktig til å følgje dei reglane som følgjer av forskrifta som gjeld frå 01.01.2016. Prikktildelingssystemet er heima i alkohollova § 1-8 tredje ledd.
- 7.4 Det er kommunen ved rådmannen som tek stilling til om eit brot skal gje prikktildeling og i så fall kor mange. I alkoholforskrifta er det synt til eksempel på kva som fører til tildeling av ein, to, fire eller åtte prikkar.
- 7.5 Dersom oppgåve over omsetnad ikkje er levert innan fristen, eller sals- eller skjenkeavgifta ikkje er betalt i tide og etter purring, har rådmannen fullmakt til å inndra løyvet til oppgåva er levert eller avgifta er betalt.